

Avis 74.

Res mira & spectatu jucunda est in hac urbe: avicula quædam, quam Tunghoafung vocant Sinæ, rostrum habet rubescens ut minium, maxima colorum varietate omnes rapit in admirationem; ex flore nascitur Tunghoa, unde aviculæ nomen simile matri uti & ipsa est, vivit autem tamdiu, quam flos ipse arboris durat, vivum ac volentem florem credas, adeo & pulchritudine, & exigui temporis florente ætatula flori similis est.

Montes.

Jeking mons altus supra ipsas nubes ascendit, prope Çu civitatem. Ad civitatem Quon Cingching mons incipit ac plusquam mille terrarum stadia occupat, est ex nominatissimis apud Sinas ordine quintus, in eo Xinsien, hoc est, homines immortales, inter se convenire fabulantur. Gan civitas Lunggan montem habet vicinum, sylvis ac fontibus amœnum, in eo Cho regum palatii rudera visuntur, illud æstivo tempore incolere soliti fuerant ad calores vitandos. Cungking montem habet Toyung dictum, in quo Simiæ reperiuntur, quæ omnino magnitudine ac figura quam proxime ad hominem accedunt, ac mulieres depereunt, easque ad libidinem, cum facultas suppetit, abripere tentant. Xefang civitati proximus est mons altissimus Tafung, qui ad cœlum ipsum videtur pertingere: ex alto amnis ibi præceps cadit, ingenti lapsu ac aquarum murmure: illi prope æqualis est mons Pin ad civitatem Guei, tantæ altitudinis ut sexaginta stadiorum ejus esse altitudinem scribant Sinæ; ex ejus vertice per reliquos montes videtur ipsa metropolis: in hoc monte magni Kiang fluminis prima origo est, qui inde ad terras Preste Joan usque excurrit. Tienchi mons prope Mien o, in quo lacus, qui nec pluvia crescere, nec siccitate animadvertitur pati decrementum.

Flumina.

Kin fluvius ad Austrum urbis est, vulgo Damascenus dicitur, quia holoserica in eo lota mirum acquirunt splendorem. To flumen ad Sifan fluit, ramus est ex Kiang quasi derivatus, abscissusque, quem effodi jussit Yvus Imperator, ut Kiang exundationes eluvionesque impediret. Chu flumen Çu civitatem præterlabitur, unionum vulgo dicitur, quia noctu in eo lumina micantia collucunt, quæ putant illi carbunculos esse, seu lapides illos pretiosos, quos Sinæ Yeming vocant, hoc est noctilucos. Si lacus suburbium Occidentale civitatis Çungking ambit, multa in eo ædificia ad animi relaxationem structa sunt, circum-

que ipsum lacum oculis blandiuntur, quem ibi ob amœnitatem incolarum delicias vocant. Co amnis civitatem Han alluit, hujus aqua ad ferramenta acuenda præ reliquis aptior est & expetitur.

Ad urbis Notapeliotem est locus Naumachiæ, seu stagnum Yolung, quod Suius Rex adornavit pro militum exercitatione, cum Chin Regi bellum inferre statuit.

Vansui lacus est quadraginta stadiorum, tamquam pro urbis fossa ductus efformatusque, cum terraeducta est pro urbis mœnibus replendis. latior est ad Borealem urbis partem: prope Nuikiang est aquæ fons, qui modo ascendit, modo descendit, æstusque marini horas adeo procul à mari eum sequi observatum est.

Secunda Urbs

P A O N I N G.

IAcet Paoning ad Orientalem ripam Kialing fluvii, cujus territorium à montibus ad coronæ modum cingitur, in quibus magna muschi & major damarum copia. urbs ipsa sat pulchra privatis publicisque ædificiis conspicua, quatuor in ea sunt nobiliora fana, decem civitatibus urbs hæc jura dat: 1 Paoning, 2 Çangki, 3 Nanpu, 4 Quangyven, 5 Pa o, 6 Chaohoa, 7 Tungkiang, 8 Kien o, 9 Çutung, 10 Nankiang. Yvus Imperator eam Provinciæ Leang adnumeravit, & subesse stellis Cing & Quei voluit, Regum tempore Pa regum fuit, Hana familia Pasi dixit: Tanga Langcheu, Sunnga Gante, hodiernum nomen imposuit Ivena ob montium fauces arctissimas ac admodum paucos aditus, quibus fortissima etiam apposita sunt munimenta. Rem dictu miram hic adnotat Sinicus auctor de arbore quadam Ciennien dicta, hoc est mille annorum, hæc in idolorum templo Kien civitatis erat, tantæ magnitudinis, ut sub uno ramo ducentæ oves stare, ac circumire possent, absque eo quod viderentur, licet ad rami initia accederes; fortasse ex illis arboribus est, quæ per totam Indiam inclinatis ad terram ramis in varias arbores excrescunt, Lusitani arbor Rays vocant.

Situ.

Antiqua nomina.

Insignis magnitudinis arbor.

Ad Orientalem urbis partem campis ac sylvis amœni ac jucundi montes sunt Puon & Mienping: prope Çangki mons est Juntai altissimus, nubium idcirco thronus dictus. Pa civitas montem Jo habet, è quo pretiosi effodiuntur lapides, sed ob nimiam asperi-

Montes insignes.

res.